



Facultade de Administración e Dirección de Empresas (Lugo)
Facultade de Ciencias Económicas e Empresariais (Santiago)
Universidade de Santiago de Compostela



economistas
Colegio de Lugo



DEPUTACIÓN
DE LUGO



Facultade de Economía e Empresa (A Coruña)
Universidade de A Coruña

Universidade de Vigo

Facultade de Ciencias Económicas e Empresariais (Vigo)
Facultade de Comercio (Vigo)
Facultade de Ciencias Empresariais e Turismo (Vigo)
Universidade de Vigo



Asociación Galega de Ensinantes de Economía en Secundaria
AGAEDES

BASES

OLIMPÍADA GALEGA DE ECONOMÍA 2024

12 de abril de 2024

Facultade de Administración e Dirección de Empresas

Campus de Lugo

Universidade da Santiago de Compostela

1. PRESENTACIÓN E OBXECTIVOS

A [Olimpíada Española de Economía](#) é un certame académico e educativo que ten como obxectivo estimular o estudo da Economía e da Economía da Empresa entre a mocidade, premiar o esforzo e a excelencia académica, así como establecer vínculos estables entre o ensino universitario e outros niveis educativos.

A **XIV Olimpíada Galega de Economía** está organizada pola Universidade de Santiago de Compostela (USC) e o Colexio de Economistas de Lugo, en colaboración coa Universidade da Coruña e a Universidade de Vigo e coa participación da Asociación Galega de Ensinantes de Economía en Secundaria (AGAEDES). A Olimpíada Galega constitúe a fase local da Olimpíada Española de Economía no ámbito da Comunidade Autónoma de Galicia.

2. PARTICIPACIÓN

Poderá participar na XIV Olimpíada Galega de Economía o alumnado matriculado no curso 2023/24 na materia Empresa e Deseño de Modelos de Negocio de 2º curso de Bacharelato en calquera dos Centros de Ensino Secundario da Comunidade Autónoma de Galicia. A participación será individual e cada centro poderá presentar un máximo de 5 participantes.

3. INSCRICIÓN

A inscrición realizarase cumprimentando o formulario de solicitude de participación (dispoñible na web da [Olimpíada](#) que deberá ser enviado por correo electrónico dende un

endereço oficial (tipo xxx@edu.xunta.es) –pode ser o do/a docente ou o do Centro de Ensino–, ao e-mail olimpiada.economia@usc.es. Só se considerarán os formularios recibidos ata as 14h do día 2 de abril de 2024. En caso de remitir máis dun formulario só será válido o último recibido en prazo.

O listado do alumnado inscrito publicárase antes das 14h do día 4 de abril de 2024 no seguinte [vínculo](#).

Para os estudantes menores de idade deberá cubriose o formulario de autorización da nai, pai ou tutor/a legal para a súa asistencia e participación na Olimpíada e a cesión dos dereitos de imaxe segundo o modelo que poden descargar [aquí](#). Este modelo deberá enviarse, xunto co formulario de inscrición, de forma agrupada por cada centro educativo para todos os seus estudantes participantes ó endereço de correo electrónico olimpiada.economia@usc.es.

4. TEMARIO

O temario das probas da fase local abranguerá os seguintes bloques do programa oficial de Economía de 1º de Bacharelato e de Empresa e Deseño de Modelos de Negocio de 2º de Bacharelato, establecido no DECRETO 157/2022, do 15 de setembro, polo que se establecen a ordenación e o currículo do bacharelato na Comunidade Autónoma de Galicia.

Economía:

1. As decisións económicas
2. A realidade económica. Ferramentas para entender o mundo cunha visión microeconómica e macroeconómica.
3. As políticas económicas.

Empresa e Deseño de Modelos de Negocio:

1. A empresa e a súa contorna
2. O modelo de negocio e de xestión
3. Estratexia empresarial e método de análise da realidade empresarial: estudo de casos e simulación

5. PROBA

A proba realizarase de xeito presencial na Facultade de Administración e Dirección de Empresas da Universidade de Santiago de Compostela, no Campus de Lugo, o venres 12 de abril as 16:30. A data e a hora previstas poderían ser modificadas se houberse circunstancias excepcionais que o requirisen, no cuxo caso informaríase oportunamente ao alumnado inscrito. Os detalles sobre os criterios de avaliación da proba figurarán no enunciado do exame.

O exame durará dúas horas e terá tres partes:

1. A primeira constará de 20 preguntas tipo test relativas a relacións e conceptos básicos. A valoración total deste test será de ata 4 puntos con posible sistema de penalización. Esta proba terá carácter eliminatorio e da mesma se seleccionarán aos 15 estudantes con maior puntuación, aos que se lles pasarán a corrixir as seguintes partes do exame.
2. A segunda parte do exame constará de dous exercicios prácticos, cada un dos cales terá como máximo unha puntuación de 2 puntos (total 4 puntos).
3. Na terceira parte da proba, os alumnos realizarán un comentario de texto sobre algún tema de actualidade económica que se puntuará cun máximo de 2 puntos.

Os exames serán corrixidos de forma anónima e a cualificación máxima que se pode obter é de 10 puntos. Na corrección valorarase a claridade na expresión e o razoamento das respostas, tendo tamén en conta a ortografía e a puntuación. No caso dos exercicios prácticos, numéricos ou representacións gráficas valorarase a claridade no desenvolvemento, o uso correcto das unidades de medida e a explicación dos resultados. Os resultados da corrección son inapelables.

Para poder realizar as probas o alumnado deberá identificarse a través do seu DNI ou documento equivalente.

6. PREMIOS

Os tres primeiros clasificados na Olimpíada Galega de Economía recibirán un diploma acreditativo e representarán ás Universidades do Sistema Universitario de Galicia na fase nacional da Olimpíada de Economía que se celebrará os días 19, 20 e 21 de Xuño de 2024 na Universidade La Rioja. A Facultade de Administración e Dirección de Empresas de USC correrá co coste da inscrición na fase nacional da Olimpíada de Economía, e cos gastos de viaxe e aloxamento dos tres estudantes seleccionados, a dun/ha profesor/a designado pola Comisión Organizadora que os acompañe, e un/ha representante da Facultade.

O Colexio de Economistas de Lugo outorgará os seguintes premios aos tres primeiros estudantes clasificados:

- Primeiro estudante clasificado: 500€,
- Segundo estudante clasificado: 300€,
- Terceiro estudante clasificado: 200€.

Os estudante clasificados entre os postos 4º e 8º recibirán un diploma acreditativo como finalistas do concurso. A orde establecida servirá, ademais, para cubrir posibles vacantes no caso de que algún dos tres primeiros clasificados renuncie a participar na Olimpíada Española de Economía.

Ademais, os primeiros clasificados nas fases locais ou nacionais da Olimpíada de Economía que se matriculen nalguna das universidades públicas do Sistema Universitario de Galicia poderán optar ás axudas convocadas para os estudantes gañadores de Olimpíadas Científicas, segundo o previsto na convocatoria feita, no seu caso, por cada universidade (suxeito á aprobación do orzamento e ás dispoñibilidades orzamentarias).

7. COMISIÓNS ORGANIZADORA E ACADÉMICA

A Comisión Organizadora da XIV Olimpíada Galega de Economía está constituída polos/as decanos/as das Facultades de Economía e/ou Empresa das universidades galegas, o decano do Colexio de Economistas de Lugo, e o presidente da Asociación Galega de Profesores de Economía en Secundaria (AGAEDES).

A Comisión Académica será a encargada de elaborar e cualificar a proba, clasificar por orde aos participantes, determinar os tres gañadores que participarán na XV Olimpíada Española de Economía e resolver calquera incidencia que se poida producir. A Comisión Académica está formada por:

Presidente: Roberto Bande Ramudo, Decano.

Secretaria: Guadalupe Vila Vázquez, Organización de Empresas e Comercialización.

Vogal: Jacobo Feas Vázquez, Economía Financeira e Contabilidade.

Vogal: Diana Fernandez Méndez, Fundamentos de Análise Económico.

Vogal: Marta Portela Maseda, Economía Financeira e Contabilidade.

Vogal: Luis Ignacio Rodríguez Gil, Economía Financeira e Contabilidade.

Vogal: Paula Vázquez Rodríguez, Organización de Empresas e Comercialización.

8. DEREITOS DE IMAXE

Os contidos audiovisuais (fotografías, vídeos, etc.) que se poidan obter durante a celebración da XIV Olimpíada Galega de Economía serán tratados segundo a normativa das respectivas Universidades organizadoras. O acto de entrega de premios é un acto público. Os contidos audiovisuais (fotografías, vídeos, etc.) que se produzan neste acto serán da propiedade da Universidade organizadora, que poderá difundilos libremente a través das súas publicacións, páxinas web, etc., sen necesidade de consentimento expreso das persoas asistentes.

9. PROTECCIÓN DE DATOS

Os datos recollidos para a xestión desta convocatoria serán tratados conforme á Lei orgánica 3/2018, de 5 de decembro, de protección de datos persoais e garantía dos dereitos dixitais.

10. ACEPTACIÓN DAS BASES

A participación na XIV Olimpíada Galega de Economía implica a aceptación íntegra das súas bases e da decisión inapelable da Comisión Académica á que lle corresponderá resolver calquera continxencia non prevista nestas bases.

CONTACTO

Para calquera dúbida ou suxestión, pódese contactar co decanato da Facultade de Administración e Dirección de Empresas da USC por algúns destes medios:

Teléfono (Secretaría do Decanato): 982824403

E-mail: olimpiada.economia@usc.es

Web da Facultade: <https://www.usc.gal/gl/centro/facultade-administracion-direccion-empresas/olimpiada-economia-2024>